



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1714**

Caput III. De suspensione & degradatione.

**urn:nbn:de:hbz:466:1-42682**

Quod particulares Doctores attinet, hi se reddunt deridiculos, si nimis prompti sint in censurandis propositionibus aliorum: dicitque bene vindex Gobati, quo fere doctior quisque est, esse pariter esse solet in damnandis aliorum opinionibus, ut in Doctore Angelico, Seraphico, subtili, aliisque licet observari. Reprehendi non meruit, quod recte defendi potest inquis S. Aug. Epist. 15. ad Hieronymum.

## CAPUT III.

De suspensione &amp; degradatione.

## DUBIUM I.

Quid sit suspensio, quotuplex, & unde dignoscendum qualis & quanta sit.

RESP. I. Suspensio est censura, quæ Clericis functiones aliquas ecclesiasticas exercere prohibetur. V. Bon. to. 1. d. 3. p. 1. Lay. l. 1. t. 5. p. 1. c. 1. Unde resol.

I. Solus Clericus potest suspendi.

II. Suspendere possunt, qui possunt ferre censuras.

III. Ex genere suo, & nisi parvitas materia excuset, est peccatum grave, exercere actum per suspensionem prohibitum, unde & irregularitatem inducit. Si tamen suspensus toleratus se non ingerat in tales functiones, sed ab aliis propter utilitatem requiratur, probabiliter non peccat, cum alii licite requirant: imò et si nominatum sit denunciatus & non toleratus, alii tamen non tenentur sub mortali eum vitare, nisi censeantur cooperari actui, à quo suspensus est: unde audire ejus Missam, non erit peccatum, (saltem mortale) si non inservias. Ita probabiliter Avila, Henriq. Suar. Sayr. apud Bon. p. 4. m. 4. etiam Laym. n. 7.

IV. Suspendus non toleratus invalidè absol-  
rit, quia non habet jurisdictionem.

Resp. II. Suspendio, 1. alia fertur ad certum  
tempus, quo elapso expirat; alia fertur absolu-  
tè, seu indefinite, manetque, donec per absolu-  
tionem tollatur. 2. Alia est ab officio, sive id fit  
ordinis, sive jurisdictionis; alia à beneficio;  
alia ab utroque. 3. Suspendio ab officio, vel est à  
toto, vel à parte tantum, scilicet à functione or-  
dinis vel jurisdictionis. Item suspendio benefi-  
cii, vel est à beneficio absolutè vel à quibus-  
dam tantum functionibus ejus ratione compe-  
tentibus. *Laym. Bon. ll. cc.*

Resp. III. Quantitas & qualitas suspensionis  
colligi debet ex verbis, quibus fertur: Quæ ut-  
pote in re odiosa, non amplius sunt extenden-  
da, quàm propriè accepta significant: *Unde re-  
solves,*

I. Suspendio absolutè & in toto prohibetur  
omne exercitium ratione officii proveniens,  
tam ordinis quàm jurisdictionis, & consequen-  
ter non potest celebrare, nec validè excommu-  
nicare, beneficia conferre, &c. Suspendus verò à  
parte beneficii determinata, v.g. ab ordine tan-  
tum vel jurisdictione, privatur tantum illius  
officii functionibus: Unde Episcopus v. g. à ju-  
isdictione suspendus, etsi non possit excommu-  
nicare, absolvere, delegare, &c. Potest tamen  
exercere actus ordinis, ut consecrare templa, or-  
dinare, &c. *Bon. l. c.*

II. Suspendus à certa functione Ordinis, v.g.  
à Sacramentorum administratione, non est su-  
suspendus à sacrificio. Similiter suspendus ab ordi-  
ne, potest nihilominus conferre primam ton-  
suram, quia non comprehenditur sub Ordine.  
*Bon. p. 2. n. 6.*

III.

» III. Suspendus ab officio simpliciter, non intelligitur suspendus à beneficio seu fructibus ejus: Debet tamen per alium supplere, qui per se nequit, ut fructus percipiat. *Bon. n. 10. ex Nar. Suar. Henr. Fill. &c.*

» IV. Suspendus ab ordine non videtur suspendus à beneficio, quia beneficium non fundatur in ordine. *Bon.* tamen dicit, indirectè suspendi à fructibus ejus, quia dum non potest facere officium, non potest percipere fructus, *v. n. 5.*

» V. Suspendus à beneficio, etsi hoc ipso intelligatur suspendus à recipiendis fructibus ejus, non tamen ab officio, sive jurisdictionis sive ordinis, etiam quod illi ratione ipsius beneficii competit: Unde tenetur legere Horas, & cetera onera beneficii præstare, licet fructibus non fruatur: hoc enim debet sibi imputare. Non tamen privatur commodo, quod provenit ex anniversariis stipendiis Missarum, nec eo, quod datur propter onus personale Clerici, quia non sunt fructus beneficii: Secus est de distributionibus quotidianis; licet ex his vel aliis beneficii fructibus possit ali, si aliunde sustentari nequeat. *Bon. n. 12. Sayr. Suar. Fill. &c.*

» VI. Suspendus à beneficio potest nihilominus eligere, præsentare, conferre beneficium, quia etsi hæc jura competant illi ratione beneficii, illi tamen actus non sunt beneficii præcisè, ut sic, sed potiùs officii & jurisdictionis. *Ibid.*

» VII. Suspendus à beneficio vel ordine absolute & sine addito, intelligitur suspendus ab omni beneficio vel ordine, nisi aliunde aliud constet. *Ib. n. 8.*

» VIII. Suspendus absolute, intelligitur ab officio & beneficio. *Laym. c. 1. n. 2.*

E. III.  
20. I.

Tom. m. or.  
Claudii  
La Croix

Tom. VII

Ca.

IX. Suspenso Capitulo vel Conventu, non censentur suspensi singuli, nisi sint in culpa, ait Sa. V. *Suspensio, & Laym. n. 3.*

X. Si Prælati solo verbo dicat Sacerdoti, suspendo te, v. g. à celebratione, videtur esse simplex tantum prohibitio, non censura, quia hæc licitè non fertur, nisi scripto: Prælati autem non debet præsumi velle peccare, nisi aliud constet de ejus intentione, aut nisi religio habeat privilegium, absque scripto ferendi censuras. V. Bon. to. 1. De censuris in communi, d. 1. q. 1. p. 7.

## A D D E N D A.

Quest. 46. Quid circa hæc præterea sit notandum. 396.

§. 1. Docent cum aliis *Castrop. hic d. 4.*

*P. 3. & Dicast. d. 4. n. 66.* contra aliquos alios suspensionem ferri non posse ob culpam alienam,

& consequenter suspensam communitate non suspen-

di particulares personas innocentes quoad

se, sed tantum ut membra sunt delinquentis

communitatis, quia iniquum est innocentem

sustinere poenas soli nocenti debitas.

§. 2. Putant *Naw. & alii* suspensum ab officio 397.

hoc ipso suspendi à Beneficio, quia prohibito

principali prohibetur accessorium, sed cum

communi probabiliter negat, *Castrop. p. 5.* ali-

quando enim fertur suspensio ab officio, ali-

quando à Beneficio, aliquando ab utroque simul.

§. 3. Multi cum *Suar. d. 2. f. 4.* putant suspensum 398.

ab ordine inferiore hoc ipso suspendi à Su-

periore, quia ubi minora prohibentur, dedecet

concedi majora, secundum regulam Juris, è con-

tra *Castrop. pu. 5. §. 1.* negat cum aliis, quia in pœ-

nis facienda est stricta interpretatio & non ex-

ten-

tenfio ultra verba, neque inconueniens est, ut privatus minore honore vel officio relinquatur in maiore, pro quo tollendo necdum censetur delictum sufficiens commiffisse.

399. §. 4. Dixi l. 4. n. 778. fufpenfum fimpliciter ab omni officio & Beneficio, etiamfi fit occultus & non denunciatus, promoveri non poffe ad dignitates vel Beneficia ecclefiaftica, imò promotionem ad Beneficium effe irritandam hoc ipfo, quod ab omni officio fit fufpenfus, non tamen fi tantum ab aliquo officio, fuper quo non fundetur Beneficium.

400. §. 5. Si Cajus ordinatus fit Sacerdos ad titulum vitiofum, ideòque fit fufpenfus, quamvis poftea obtineat Parochiam, non ideo ex titulo Parochiæ obtentæ licite abfolvet, quia non ideo fublata eft fufpenfio ab actibus Ordinis fufceptis, abfolvere autem eft actus non folius iurisdictionis, fed etiam Ordinis: è contrà poterit valide & licite exercere actus, qui funt folius iurisdictionis aut Ordinem non requirunt, uti delegare alteri iurisdictionem ad audiendos fuos Parochianos, affiftere Matrimoniis fuorum, hæc enim poteflates nullo modo fundantur in Ordine, à cuius exercitio fufpenfus eft, fed in fola iurisdictione aut poteflate alia, quamvis abeffet Ordo. An autem & quando peccet, qui ita fufpenfus confitetur, dixi l. 6. p. 1. à n. 211.

401. §. 6. Quamvis in quibusdam electionibus prærequiratur v. g. Ordo fubdiaconatus ut quis fit capax elegendi, tamen fi quis fit fufpenfus à Beneficio & ab exercitio Ordinis, non ideo eft fufpenfus ab eligendo, quia eligere eft actus allicujus quali iurisdictionis, aut faltem planè diuerfæ poteflatis, uti patet in laicis converfis &

mulieribus saepe elegantibus sine ullo Ordine,  
 docetque clarè *Glossa* ad Cap. *Presbyterum* dist. 28.  
 his verbis: *Beneficium retinebit & locum in choro, &*  
*manebit cum aliis, & intererit electionibus, sed hoc so-*  
*lum deest ei, quod non debet ministrare ut Sacerdos.* Idem  
 docent alii communiter cum *Nav. Suar. Bonac. Fill.*  
*Passerino* de Electione. c. 10. n. 95. *Castrop.* d. 4. p.  
 §. 1. n. 9. *Leurenio* in foro benef. p. 2. q. 278. Et  
 suspensum ab actibus ordinum non esse suspen-  
 sum à jure eligendi, docent expressè *Hoftiens.* *Si-*  
*mon. Henric. Suar. Fill. Barb. Leuren.* q. 276. n. 4.  
 alique, & hoc declarasse sacram Congregatio-  
 nem testatur *Passerinus* supra, qui n. 98. rectè sic  
 concludit, *sola igitur suspensio, vel simpliciter, vel ab*  
*officio, vel si esset suspensio ab eligendo, privat voce activa*  
*in electione, non verò suspensio à Beneficio vel ab Ordine.*  
 §. 7. Dubitatur, an suspensus per annum, 402.  
 teneatur suspensione ultimo die anni bissextilis,  
 nam libertas promissa servienti per annum ac-  
 quiritur, si servièrit 365. diebus, *L. Cum heres,*  
*§. Srichus, De statuliberis,* ergo similiter hic. At-  
 tamen puto oppositum esse probabilius, tum,  
 quia duo illi dies in Februario habentur pro  
 uno, tum etiam quia suspensionem ferens ad an-  
 num, intelligit, usque dum anno sequente re-  
 currat & absolvatur hic dies, & per accidens est,  
 quòd ille annus habeat dies 366. Videri potest  
*Cast.* d. 4. à n. 83. qui d. 5. à n. 207. notat suspen-  
 sionem aliquando esse puram pœnam, si nempe  
 certum tempus feratur propter delictum præ-  
 scriptum, & hoc tempore evoluto cessare absque  
 resolutione: aliquando esse censuram, si feratur  
 ut medicina propter contumaciam præsentem  
 corrigendam, & tum indigere absolutione.

403. *Quæ sint suspensiones in particulari, & quis ab eis possit absolvere.*

Resp. I. Suspensiones Juris communiores sunt sequentes,

1. Clerici ipso jure suspensi sunt, 1. Recipientes ordines sacros ab alieno, vel à proprio in aliena diœcesi; vel sine ætate legitima, aut di-  
missoriis, aut titulo, vel extra tempora, aut non servatis interstitiis, vel per saltum, vel in  
censura, vel denique post Matrimonium ratum: qui omnes suspensi sunt ab executione  
Ordinum, nisi fecerint absque dolo: & si Ordine utantur, fiunt irregulares. Excommunicans, suspendens aut interdicens sine scriptura & causæ  
expressione, est suspensus per mensem ab ingressu Ecclesiæ, nisi sit Prælatus regularis. 3. Clerici scienter eligentes Episcopum vel Parochum indignum, suspenduntur à beneficiis biennio. 4. Ordinans & ordinatus simoniacus, est suspensus ab Ordinibus. 5. Parochi jungentes sponso alterius Parochiæ sine licentia. 6. Gravantes alienis debitis Ecclesiis sibi commissas. 7. Occupantes bona vel census Ecclesiæ, beneficii vel alterius pii loci. 8. Sodomiam exercentes, simoniaci, provocantes ad duellum vel acceptantes, raptores vel præbentes auxilium. 9. Disputantes in alterutram partem in coetu virorum ac mulierum, de immaculata Conceptione B. Virginis. 10. Visitantes, si accipiant pecuniam vel munera: qui si sint Episcopi, suspensi sunt ab ingressu Ecclesiæ, si inferiores Episcopo, ab officio & beneficio, usque dum restituant duplum. 11. Judex Ecclesiasticus



sticus ( non Episcopus ) qui facit injuriam  
 contra justitiam & conscientiam parti litigan-  
 ti. v. Bon. d. 3. p. 5.

II. Religiosi, 1. Apostatae recipientes Ordi-  
 nes in apostasia. 2. Admittentes ad professio-  
 nem ante annum probationis peractum. 3. Non  
 utentes habitu & vestitu, modo sibi praescripto.  
 4. Introducentes mulieres in Monasteria

III. Episcopus, 1. Ordinans non subditum,  
 suspensus est à Pontificalibus per annum: Or-  
 dinans verò invitum, suspensus est per annum  
 à celebratione. 2. Admittens resignationes con-  
 tra formam praescriptam. 3. Intrans Monaste-  
 ria Monialium sine necessitate. v. Fill. 2. 17. c. 5.

Resp. II. Praeter has suspensiones aliae sunt ab  
 homine: quae si sint graves, requirunt culpam  
 mortalem, v. g. ut quis suspendatur ab omni-  
 bus actibus sui officii, vel fructibus unius anni.  
 Potest tamen aliquis ob peccatum veniale pri-  
 vari uno actu, v. g. eligendi.

Resp. III. Habens Episcopalem auctoritatem  
 potest absolvere à suspensione non reservata; &  
 communiter Religiosi ex privilegiis possunt ab-  
 solvere ab omni suspensione in foro conscien-  
 tiae: & Episcopus potest absolvere ab omni su-  
 spensione juris, si Sedi Apostolicae specialiter  
 reservata non sit, Laym. cap. 4. n. 2. ex Nav. Suar.  
 Et. Imò etiam ab hac, si proveniat ex delicto  
 occulto, & non deducto ad forum contentio-  
 sum. Bon. p. ult. ex Trid. sess. 24. cap. 6.

## A D D E N D A.

Quest. 47. Quid circa haec praeterea sit notandum. 404.

Re. S. 1. Suspensiones in particulari latè  
 Tom. VIII.

M m m

entu-

enumerat *Dicast.* d. 4. dub. 7. Dubitat autem *Herinx* de Ordine q. 8. n. 85. an promotus ad sacrum Ordinem absque titulo sufficiente incurrat suspensionem, quia licet id habeatur *Cap. Nemenem*, & *Cap. Sanctorum*, dist. 70. tamen poena illa videtur abrogari *Cap. Cum secundum Apostolum*, & *Cap. Si Episcopus*, De praebendis, Et quamvis *Trid.* sess. 21. c. 2. De Reform. innovet poenas antiquorum Canonum; tamen non liquet, an etiam Canones illos priores innovet, hinc non incurri suspensionem docent multi cum *Gallen.* ad *Trid.* supra. Addunt *Tolet. Garc. Barb. Herinx* saltem non contrahi, si patrimoniam sit acceptum sub onere redonandi, cum enim acquirat dominium tituli, non ordinatur sine titulo. Et idem est, si jam ordinatus subdiaconus cum vero titulo, cedat titulo, & ulterius ordinetur Diaconus & Presbyter, nec illa pactio redonandi & cesso patrimonii sunt irrita, ergo re ipsa non ordinatur sine titulo: Quod adhuc magis valet, si ordinatur cum titulo, sed adjecto pacto non utendi illo, seu non percipiendi ex eo fructus, quae pactio etiam est prorsus irrita. Oppositum tenet communis & probabilior cum *Dicast.* n. 211. & aliis, quos secutus sum l. 6. p. 2. n. 2283. nempe à taliter ordinato incurri suspensionem ab Ordine suscepto, quia *Trid.* innovat poenas antiquorum Canonum, inter quos sunt isti priores. Vide plura ibi l. 6. dicta.

405. §. 2. *Nav.* in conf. t. 5. conf. 69. *Barbosa* De potest. Episc. p. 2. Alleg. 6. n. 7. *Zerola*, De Leone, *Gavantus* in *Enchir. Episc. V. Functiones* n. 3. putant Episcopum exercentem Pontificalia in aliena dicecesi non excusari à poena suspensionis per inadvertentiam vel bonam fidem: Sed rectè contra-

traditur  
17. *Qua*  
V. *Dico*  
media p  
& bona f  
dum dic  
§. 3  
mortal  
Ordines  
& saltem  
ordinatu  
enim Ton  
Ordinati  
n. 220  
non esse  
facit *Gal*  
aliquam  
sine Ton  
§. 4. A  
moniacan  
tum, etia  
turratur  
tatem Sac  
ri Paroch  
tam sess.  
766. Cl  
non par  
tatione R  
reform. it  
tum reco  
tom. 9  
notat  
43. Or  
sess. 1

tradunt Squillante de oblig. Episc. p. 2. c. 3. n. 17. Quartus in Rubr. Miss. p. 2. t. 1. f. & dub. 3. V. Dico secundò. Henno post historiam de scientia media parergo 2 S. n. 1709. nam inadvertentia & bona fides excusant à pœna & censura, secundum dicta n. 93.

§. 3. Sperell. decis. 114. dicit eum peccare mortaliter, qui ante Confirmationem suscipit Ordines, sed oppositum dixi l. 6. p. 2. n. 2227. & saltem talis non suspenditur. Addit autem ordinatum sine Tonsura esse suspensum, putat enim Tonsuram esse Ordinem, adeoque fieri Ordinationem per saltum: Et quamvis l. 6. p. 2. n. 2208. cum communi dixerim Tonsuram non esse Ordinem, tamen, præscindendo ab hoc, dicit Gallem. ad Trid. sess. 23. c. 14. De ref. n. 4. aliquam Congregationem declarasse ordinatum sine Tonsura suspendi.

§. 4. An per simoniam in Beneficio vel per simoniacam collationem aut receptionem Ordinum, etiam minorum, & primæ Tonsuræ incuratur suspensio, dixi l. 3. p. 1. à n. 216. Eos autem Sacerdotes, qui assistunt Matrimonio alieni Parochiani, incurrere suspensionem per Trid. sess. 24. cap. 1. De Ref. Matr. dixi l. 6. p. 3. n. 766. Clericus concubinaris, si 2dæ monitioni non pareat, suspendi potest ab omni administratione Beneficii per Trid. sess. 25. cap. 14. De reform. ita ut nequidem alimenta ei ex Beneficiorum redditibus debeantur. Videri potest Piget. tom. 9. conf. 139. à n. 160. qui tom. 1. conf. 11. notat ex declaratione S. Congreg. 21. Martii 1743. Ordinarium, si aliquem suspendat videlicet sess. 14. c. 1. De ref. teneri, si judicialiter peccatur,

M m m 2

estur,

tatur, exprimere, non parti sed Superiori delictum & causam suspensionis.

## DUBIUM III.

408. Quid sit depositio & degradatio, à quo & ob quam causam fieri possit.

«Subjici solent suspensioni Depositio & Degradatio (etiam censuræ non sunt, ut dictum est c. 1.) ob similitudinem, quam habent cum suspensione, cum utraque sit ab Ecclesiastico Ordine, aut Beneficio: Differunt autem à suspensione, quòd illæ auferant ipsum jus radicale & titulum Beneficii, idque in perpetuum, suspensio non item. Porro depositio genericè accepta, alia est verbalis, quæ absolutè depositio dicitur: alia Realis, quæ dici solet degradatio.

«Resp. I. Degradatio est privatio executionis officiorum & beneficiorum simpliciter & in toto, & absque spe restitutionis, facta cum certa solennitate, & privatione privilegii Clericalis, tam Canonis, quam fori, ita ut sæculari curiæ subdatur.

«Dixi, Executionis: quia ordo ipse non potest tolli. Interim degradatus tenetur ad votum castitatis, si fuit in sacris, & ad Horas, nisi hæc fortè poena, ad quam damnatur, v.g. trireres, vel aliud impediatur.

«Resp. II. Depositio Verbalis est similis privatio, sed sine solennitate dicta, & relicto utroque privilegio, Canonis & fori.

«Resp. III. Clerici possunt degradari à suo Episcopo, sed non ab inferioribus illo: deponi tamen possunt ab eodem per Vicarium.

«Resp. IV. Depositio fieri potest in casibus jure ex-

expressis, & delictis, non tamen nisi graviori-  
 bus arbitrio iudicis. Ubi notat *Laym.* crimen  
 debere esse enorme, id est, unum ex maximis.  
 Degradatio similiter fieri potest in casibus tan-  
 tum gravissimis, quales sunt v. g. crimen hæ-  
 resis manifestum, falsatio literarum Apostoli-  
 carum, sodomia frequentata, gravis calumnia  
 proprio Episcopo irrogata. *V. Laym. hic cap. 5. &  
 Fill. t. 18. cap. 8.*

## A D D E N D A.

*Quest. 48. Quid præterea circa ista sit notandum. 409.*  
*R.* Rarò hæc servire possunt ad praxin: & de  
 illis bene ac breviter habent *Castrop. d. 4. pu. ult.*  
*Disast. f. 6.* Quomodo servandi sint gradus pœ-  
 narum, antequam Clericus criminofus degra-  
 detur & tradatur potestati sæculari, videri potest  
*Regnat. tom. 7. conf. 33.* An autem damnandi  
 ad tritremes debeant prius degradari saltem ver-  
 baliter, examinat *tom. 8. conf. 91.*

## C A P U T IV.

De interdicto.

410.

## D U B I U M I.

Quid sit &amp; quotuplex.

*Resp. I.* Est censura ecclesiastica prohibens  
 divinorum officiorum, Sacramentorum  
 liquorum, & ecclesiasticæ sepulturæ usum,  
 quatenus talis est; Quod addo, quia excommu-  
 nicatio eodem privat, quatenus est communi-  
 catio cum fidelibus: suspensio verò propriè  
 non illum usum, sed exercitium potestatis Ec-  
 clesiasticæ impedit. *V. Lay. l. 1. t. 5. p. 4. c. 1. Bon. d. 5. p. 1.*

M m 3

Resp.